

CÉAD PHRÍOMHCHATHAIR EORPACH EILE NA TURASÓIREACHTA CLISTE – DO CHATHAIRSE?

—
BILEOG EOLAIS



CÉAD PHRÍOMHCHATHAIR EORPACH EILE NA TURASÓIREACHTA CLISTE – DO CHATHAIRSE?

Tá an Coimisiún Eorpach ag seoladh comórtais chun teideal **Chaipiteal Eorpach na Turasóireachta Cliste 2022** a dhámhachtain. Tabharfaidh an tionscnamh seo luach saothair do chathracha Eorpacha mar aon leis an deis chun a gcleachtais eiseamláireacha mar cheannphointe turasóireachta cliste a chomhroinnt.

Taispeánfaidh an tionscnamh éachtaí ag cinn scríbe turasóireachta ar fud an AE, chomh maith leis na tíortha neamh-AE a ghlacann páirt sa chlár COSME.¹ Díríonn an tionscnamh ar na réimsí seo a leanas:

INBHUANAITHEACTH

DIGITIÚ

**AN OIDHREACTH
CHULTÚRTHA AGUS AN
CHRUTHAITHEACTH**

INROCHTAINÉACTH

Bronnfar an teideal **“Príomhchathair Eorpach na Turasóireachta Cliste 2022”** ar an dá chathair a léiríonn na réitigh is éirimiúla, is nuálacha agus is cuimsithí i ngach ceann de na réimsí thuasluaite.

Déan iarratas ar líne tríd an suíomh Gréasáin [SmartTourismCapital.eu](https://www.smarttourismcapital.eu)
roimh an **16 Meitheamh 2021** ar 17:00 Am Lár na hEorpa.

CAD TÁ I GCEIST LEIS AN TIONSCNAMH SEO?

Is é an turasóireacht an tríú gníomhaíocht shocheacnamaíoch is mó san AE agus tá ról ríthábhachtach aici maidir le cur le fás, poist agus comhtháthú. Chuir paindéim COVID-19 isteach ar éiceachóras na turasóireachta agus lagaigh sé a chumas infheistíocht a dhéanamh sa todhchaí. Ag an am céanna, tá deis ag an turasóireacht téarnamh ar bhealach níos inbhuanaithe agus níos athléimní. Mar sin féin, d’fhéadfadh an earnáil sin a bheith i bhfad níos mó dá ndéanfaí eispéiris cuairteoirí a fheabhsú, comhpháirtíochtaí agus deiseanna nua comhair a chruthú chomh maith le nuáil i gcathracha agus réigiúin na hEorpa a neartú.





¹ An Albáin, an Airméin, an Bhoisnia agus an Heirseagaivéin, an Íoslainn, an Chosaiv, an Mholdóiv, Montainéagró, Macadóine Thuaidh, an tSeirbia, an Tuirc, an Úcráin agus an Ríocht Aontaithe <https://ec.europa.eu/docsroom/documents/39579>

Trí dhuaisianna a bhronnadh as cleachtais eiseamláireacha sa turasóireacht chliste trína mbaintear leas as an gcumas neamhúsáidte seo, féachann an tAontas Eorpach le spreagadh a thabhairt don nuáil agus do réitigh chuimsitheacha sa turasóireacht inbhuanaithe agus inrochtana, turasóireacht atá cliste ón taobh digiteach a chur chun cinn agus neartú a dhéanamh ar ról na dtionscal oidhreachta, cultúrtha agus cruthaitheacha mar shócmhainní turasóireachta.

Ag tógáil ar an taithí rathúil a bhí ag eagráin roimhe seo de Chaipiteal Eorpach na Turasóireachta Cliste, leanfaidh an tionscnamh athnuaite seo ag cur le próifíl na hEorpa mar cheann scríbe turasóireachta a ardú agus le hardán a bhunú chun na cleachtais is fearr i réimse na turasóireachta a roinnt i gcathracha na hEorpa.

PHRÍOMHCHATHAIR THURASÓIREACHTA CLISTE – CÉN SÓRT CATHRACH Í?

Do chuspóirí an chomórtais seo, sainmhínítear cathair thurasóireachta cliste mar chathair:

-  atá ag cur réitigh nuálacha, cliste agus cuimsitheacha i bhfeidhm i réimse na turasóireachta
-  a úsáideann a caipiteal críche sóisialta agus daonna chun an earnáil turasóireachta a fhorbairt, saibhreas a chruthú don chathair agus caighdeán saoil níos fearr a thabhairt do mhuintir na cathrach
-  a thairgeann eispéireas saibhrithe saincheaptha turasóireachta trí bhuntáiste a bhaint as sócmhainní áitiúla, meas a léiriú ar phobail áitiúla agus páirt a thabhairt dóibh sa turasóireacht
-  a éascaíonn teacht ar sheirbhísí agus táirgí turasóireachta trí na nua-theicneolaíochtaí, an in-idirnascaíocht agus in-oibritheacht seirbhísí

Ar aon dul leis an méid thuas, beidh Príomhchathair Eorpach Turasóireachta Cliste:

- **inrochtana:** inrochtana go fisiciúil do thaistealaithe a bhfuil riachtanais speisialta rochtana acu, beag beann ar aois, staid shóisialta nó eacnamaíoch, agus míchumas. Insoicte gan dua ar chóiracha éagsúla iompair agus córas sásúil iompair a bheith ar fáil sa chathair.
- **inbhuanaithe:** ag obair chun an timpeallacht agus acmhainní nádúrtha a chaomhnú agus a bhreisiú agus forbairt eacnamaíoch agus soch-cultúrtha a choimeád ar siúl ar shlí chothromaithe.
- **digiteach:** ag cur eolas turasóireachta agus fáilteachais, táirgí, seirbhísí, spásanna agus eispéiris nuálacha ar fáil, atá oiriúnaithe do riachtanais tomhaltóirí i bhfoirm réitigh agus uirlisí digiteacha bunaithe ar ICT.
- **cultúrtha agus cruthaitheach:** trí úsáid sheiftiúil a bhaint as an oidhreacht chultúrtha agus as tionscail chruthaitheacha ar mhaithe le heispéireas saibhrithe turasóireachta.



CÉN FÁTH ARBH FHIÚ DO DO CHATHAIRSE IARRATAS A DHÉANAMH AR BHEITH AR CHATHAIR EORPACH NA TURASÓIREACHTA CLISTE?

Deis uathúil a bheidh i dteideal **Phríomhchathair Eorpach na Turasóireachta Cliste 2022** chun cumarsáid spriocdhírthe agus tacaíocht bhrandáilte a fháil ar feadh bliana ó shaineolaithe. Eagrófar gníomhaíochtaí leathana cumarsáide chun na cathracha seo a chur ar mhapa cheannphointe na turasóireachta cliste agus beidh siad feiceálach mar cheannródaithe na turasóireachta cliste san AE.

Mar aon le trófaí, gheobhaidh na cathracha seo dealbhóireacht mhór shaincheaptha a shuífear i láthair na cathrach mar chomhartha ar a ngealltanas i leith turasóireacht atá **INBHUANAITHE**, **INROCHTANA**, **DIGITEACH** agus **CULTÚRTHA**.

I measc buntáistí eile, breiseofar na gníomhartha promóisin i bhfíseán gearr léirithe ina dtaispeánfar éachtaí na cathrach agus le taispeántas ócáid mhór turasóireachta nó aonach taistil AE.

Mar sin is é a bheidh mar **Phríomhchathair Eorpach na Turasóireachta Cliste 2022** ná an dá chathair a bhuaigh mar inspioráid do chinn scríbe turasóireachta eile ar fud na hEorpa, a bpróifíl chathrach a fheabhsú mar cheann scríbe taistil ar ardchaighdeán, cuairteoirí a mhealladh agus fás eacnamaíoch a ghiniúint ar bhealach inbhuanaithe. Cuirfidh sé borradh faoi athshlánú na turasóireachta agus an phobail áitiúil tar éis na paidéime COVID-19.

CÉ A FHÉADANN IARRATAS A DHÉANAMH?

Tá an comórtas ar oscailt do chathracha:

- atá suite i mBallstát AE AE nó tír neamh-AE atá rannpháirteach sa chlár COSME²
- a bhfuil 100,000 duine ar a laghad ina gcónaí iontu – sna tíortha sin nach bhfuil cathair de 100,000 áititheoir iontu, beidh an chathair is mó incháilithe le cur isteach.

Féach an Guide for Applicants chun mioneolas a fháil ar na critéir cháilitheachta a bheidh le comhlíonadh.

CONAS A ROGHNÓFAR NA BUAITEOIRÍ?

Lainseálfar glao ar iarratais i **Aibreán 2021**, le spriocam d'iarratais i Meitheamh 2021. Sa tréimhse réamhroghnúcháin, déanfaidh painéal saineolaithe neamhspleácha gach iarratas bailí a mheas i gcomórtas le sraith shocraithe critéar duaise. Anuas ar sin, ar bhonn an mheasúnaithe sin, bunóidh an Coimisiún gearrliosta de 7 gcathair ar a mhéad, agus iarrfar orthu a n-iarrthóireacht a chur i láthair Ghiúiré Eorpach a roghnóidh dhá chathair mar Phríomhchathracha Eorpacha na Turasóireachta Cliste 2022.

Féach an Guide for Applicants chun tuilleadh eolais a fháil ar riachtanais an iarratais agus ar an gcóras meastóireachta.

² An Albáin, an Airméin, an Bhoisnia agus an Heirseagaivéin, an Íoslainn, an Chosaiv, an Mholdóiv, Montainéagró, Macadóine Thuaidh, an tSeirbia, an Tuirc, an Úcráin agus an Ríocht Aontaithe <https://ec.europa.eu/docsroom/documents/39579>

PRÍOMHDHÁTAÍ

Lainseáil an chomórtais: **22 Aibreán 2021**

An lá deiridh le haghaidh iarratas: **16 Meitheamh, 2021 17:00 Am Lár na hEorpa**

Tréimhse mheastóireachta: **Iúil go Lúnasa 2021**

Fógairt an ghearrliosta deiridh: **Meán Fómhair 2021**

Cruinniú Giúiré na hEorpa agus fógra na mbuaiteoirí: **Samhain 2021**

TUILLÉADH EOLAIS:

Léigh an **GUIDE FOR APPLICANTS** ar SmartTourismCapital.eu

Déan teagmháil linn trí info@SmartTourismCapital.eu